

山陽縣志

(一)

山陽縣初志序

今天子御極之初年命天下郡縣纂輯

志乘會成

大清一統志用昭車書大同之盛各直

隸省郡藩府守今相繼徵文考獻
拮据從事而西秦中州弁冠諸省

奉命恐後康熙六年丁未纂修先

成奎江右草莽臣亦贊修湖邑志

落成於歲壬子先是巳酉奎忝鸚

薦幾困南宮壬戌就縣今職迄今

癸酉亥月六日詣任山陽未浹旬

訪求邑志於博士弟子員合詞對

曰陽邑於故明成化年始設閱我
朝纂修志乘之年諸務皆在艸昧間卽
賦役沿革且無故府可循曷及全

書奎固傷其人物山川不惠然告

我也踰月而有捧檄西安之役詢
諸郡學得知康熙六年丁未郡志

果缺山陽然陽志之缺實又不自
丁未始蓋郡志創於明成化十一
年乙未此時秦中尙未有山陽迄
成化十二年丙申邑廼設迨嘉靖
辛丑萬曆辛亥郡邑志又兩修而
陽志猶寂寂焉無怪乎後起者之

無所遵循也雖然自丁未至癸酉
又二十七年矣若終今其湮沒則

山陽之人物山川不且委諸扶桑

咸池以外託之循蜚因提之前而

漠然煙消耶奎乃仰維一統志之

盛典毅然爲陽邑任創始責而竊

病其創始之無階也夫輯志猶輯
史然輯史者裨官黃衣揮人小吏
各以耳目所該網羅成書邑志則
不然兀坐齋中面墻而立於何徵
文於何考獻創始者不幾憊乎曰
不憊廣詢博採旁寄耳目故老荒

唐堪作柱史宮娥白髮可列稗官
以至斷碣殘碑名山別業悉佐見
聞况奎齋中尚有秣陵梁子邑內

尚有商洛李君通習掌故練達舊
聞而是邑峩峩髦士霞起雲蒸又
復討論者多途不翅觀射父左史

倚相可以資奎之擷取者乃於政
務輻輳之暇載筆從事越數月而
其役告竣爰手卷自誦見夫星野
疆域田賦選舉大典畢具與夫風
俗之醇厚藝文之陸離莫不人地
兩宜用以搜黃圖之闕畧補青史

之遺漏仰答

興朝文恬武熙物與民胞之氣象而今

觀者嘆山陬海澨靡有遺珠顧不

休哉奎聞李唐新書成於趙宋之

年維時宋初爲列傳范鎮討論異

同吾吉州歐陽修載筆纂輯實總

其成惟修於紀傳中並列姓名卽
宋初亦心折服蓋不炫已而掩人
古道猶照顏色是集也

奎 旣博採

諸君子之長矣而尤借興浮白往
來於青齊之鄉襄陵之室捫虱尋
思以出而全未見其憊也昔左太

冲作三都賦構思十年門庭藩溷
皆着紙筆偶得一句卽便疏入且
自以所見不博求爲秘書卽及賦
成而豪貴之家競相傳寫洛陽爲
之紙貴奎今者以雞肋微官紀載
一隅更無聲氣及於秦中與燕趙



吳越諸秀士而可以備人之傳述者亦庶幾無十年構思之苦而數月中且無妨於簿書鞅掌之本務而已書旣成爰錄同修之姓氏於

左

晉

大清康熙三十三年歲在甲戌相月中

澣文林郎知山陽縣事秦凝奎撰



月

山陽縣初志目

星野圖

縣境圖

衙舍圖

隍廟圖

文廟圖

關廟圖

卷之一

星野 象緯附

疆域 交界 陵墓 道路 關梁 古蹟 八景

城池 衙 廨 養濟院

街 倉 社學 武場

縣治沿革

卷之二

山川 嶺 溝 岩 穴 嶺 怪

市鎮 堡寨 邨落 義田 義井 義塚

官師今簿典諭

壇廟祠觀 寺 庵院

舖遞遞馬 衙役 馬夫 吏書

里甲戶口 流移 災祥附

田賦 鹽 茶附

卷之三

名宦 宦蹟附

選舉進舉 耆民 貢監 賓介 吏員

鄉賢 行實附

風俗 冠 婚 喪 祭

節孝 孝子 節婦 義士 勇士

僊釋

僑寓

物產

山陽縣初志圖

圖說

古者圖書並重後人每詳書而畧圖不知圖繪形勢令
人身處其地便瞭然在目若僅索之於書終倘恍靡定
如學禹貢者記問雖精終須按圖指授山川之經緯乃
無遺誤是邑所志者圖雖不能盡繪而聊繪六圖令觀
者指畫已得其概圖之開人心目固作志者首務也爰
繪圖於左


金陵梁淳淵度氏繪並題



陝西商漢星分與鬼東井圖

積水

積薪




天樽



積氣



水位



餓

天紀
外厨

南河



水府

天狗

狼

鬲丘

野維



老人
孫



軍市
天

東漢郡國志商嘗蕩首之次圖


長垣



太尊




張



少微

天廟



天相

內平


天稷

星



柳

酒旗



元




源








山陽縣衙舍圖











文 廟



全圖



圖廟隆



關帝廟圖



前圖衙舍學廟茅屋泥垣歷任綱繆隨葺隨卸蒞茲土
者孔瘁矣哉

山陽縣初志卷之一

大總裁知西安府事奉天盖平卞永寧芝亭父 鑒定

知山陽縣事江右潯陽秦凝奎武若氏 纂輯

山陽縣貢生李曰棟東木氏

江南職監生梁 淳淵度氏 同校訂

山陽縣生員苟 升敦若氏

田 銘日盤氏

李春瑞象白氏

甯士宗大儒氏等採 集

星野 象緯附

翼軫分野子安留洪都之訛星鳥仲春一行精鶉火之
測蓋二十八宿繫附天體驗以天行四序之向有異配
以地理一定之位無殊夫唐僧一行精於天者也王子
安唐之文士也子安未諳星紀故偶貽誤後儒極力精
詳於吾江右之洪都江左之秣陵畫爲斗分野

帝京順天爲尾箕分野而秦之西安則井鬼分野留心志乘者

宜詳之且夫天地設位而易行乎其中故曰天垂象聖
人則之卽在後宋之子韋鄭之禪竈魏之石氏齊之甘

公皆能推星候氣視日占風故豐城劍氣直射斗牛張
華雷煥直於獄中得之象緯之學夫豈誣歟

山陽治屬西安西安井鬼分野山陽在西安東隅之盡東
北連中州之閩鄉浙川南連楚中之鄖陽而鄖陽最近考
鄖陽翼軫分野然則山陽之分野在井鬼翼軫之間乎子
安以翼軫屬洪都誠誰也晉書曰九州十二域或繫之北
斗或繫之二十八宿或繫之五星相統不一而雍於北斗
主魁於二十八宿屬鶉首博雅云東井謂之鶉首則秦分
應屬井鬼固已而星宿論曰經宿盡於分野堪輿不盡於

九州如東宿窮於魯則三韓以外不得占奎婁也南宿窮於楚則交廣以外不得占翼軫也北宿窮於越則幽陵以外不得占畢昴也西宿窮於秦則流沙以外不得占井鬼也昊天亦大矣彼外此者遂無星之可占乎或謂地異則星異地無盡則星亦無盡五宮二十八宿特九州之星非周天之星也其說或可信與若夫景星慶雲見於某分風霾彗妖儀象可指山陽蕞爾地不見於經考證無多惟萬曆九年十一月彗星見長交餘數月乃息康熙元年三月十五日夜璿光貫月方屬庚辛康熙七年彗星見西方月

餘消外姑存之以俟後之君子

山陽縣志

卷一

一

三

疆域 交界 道路 關 梁 陵墓古蹟 八景

地理權輿於禹貢及周禮之職方班孟堅因之作地理志郭景純作山海圖而禹貢雍州之域周爲王畿地秦漢唐因之雖遷徙不一要之皆在百里中頻陽沈生日西安自榆林塞上至嘉峪關迂曲計之三千七百餘里自榆林上郡至商於之山陽達四川巴縣界亦三千里有奇山陽居西安東鄙之盡地丘陵繡錯形如聚米千變萬化非八景所能窮也若夫關梁之設以通商旅陵墓之制以崇本始一切古蹟皆附其中余潯陽江寧兩

地關梁通八閩三楚齊魯諸邦山陽亦有關梁但水陸
偏僻卽西秦往來者亦問津無人故名多不著若帝王
賢士之墓山陽更未之多聞然而余之耳目恐尙未逮
當俟後人續採之

山陽漢以前爲商城地後改爲縣疆域初最遼闊南至漢
江按圖經甲水漢江皆在縣境是也北至安武山安武今
屬商州東至今之竹林關西至鎮安縣之西境竟與咸寧
縣接壤鎮安與山陽古皆爲豐陽地故鎮安亦稱古豐陽
其地有浮屠猶存豐陽之蹟唐始分豐陽之西境立安業

縣安業卽鎮安境

今縣境東至竹林關之東界牌嶺一百三十里與商南連
界又一百四十里至商南縣西至沙狐嶺之西界牌河一
百二十里連鎮安界又一百二十里至鎮安縣南至龍王
廟一百二十里連鄖西界又一百六十里至鄖西縣北至
下關坊三十里連商界又九十里至商州東北至申家坪
七十里連商界又一百二十里至商州西北至藥王坪七
十里連商界又一百三十三里至商州東南至任嶺一百
三十里連鄖西界又一百三十里至鄖西縣又東南至沙

溝舖亦一百三十里連鄖西界又一百三十里至鄖西縣西南至七里礪一百五十里連鄖西界又一百四十里至鄖西縣明與上津接今裁上津併入鄖西

正東路由城至高八店四十里又東至中村三十里又東至銀花十里又東至竹林關三十里又東南至界牌嶺十里爲往商南下浙川入楚之道又自竹林關下舡經浙川穀城至小江口入漢爲下襄陽之水路

正南路亦至高八店四十里乃折而南入溝逾鶴嶺由十回難至卷筒子六十里又南至豐陽關三十里又南至任

嶺十里爲往鄖西鄖陽均州之道又自黎家灣下舡由甲河順流至甲河關入漢逆漢而西上爲往興安上漢中之水路順漢而東下爲赴均州鄖陽襄樊之水路

正西路至桐峪店二十里北入峪至李家樓房七十里爲往商州之路自桐峪店西至色河舖十里又西入花黎溝至安善嶺十里又至牛兒川口十里又西過金井河爲九里坪計三十里又十里至高山又十里至沙狐嶺爲往鎮安興安州之陸路

正北路至苦竹原二十里又北至下關坊十里爲往商州

之大道此道至州之南石底將百里嶺高礪狹前今胡公
范及典史李再白鑿石刊木砌磴寬豁便於行旅劉嶺之
上有碑記人呼曰胡公路

竹林關舊設有巡檢司順治十五年裁衙舍悉廢尙餘城
隍廟居民州縣雜處去城東一百二十里

豐陽關昔亦有巡司亦十五年裁衙舍民房俱廢近漸生
聚去城東一百三十里

僧道關去城東南八十里

下關坊去城北三十里

虎谷口橋在城東一里許有石碣

程家橋去城東三十里在雙妳山下

土橋去城東七十里在中村之西

銀花橋去城東八十里

土橋子在城北仙人龕苦竹原之間

石門橋在下關坊之北石門關南小橋也

寡婦橋亦曰節婦橋去城西七十五里橋下有鰥夫石傳

云鰥夫欲娶寡婦婦不從夫嘉其貞亦鰥居終身及寡婦

死鰥夫亦撞石死遂化爲石亦名烈夫石

境內橋未盡採然亦並無大橋河皆山溪沿塗盡是土人于秋後搭獨木橋免脛涉而已

九子塚商均之子舜之孫也在縣東三里許北山之麓高原上九塚參差存沒大小不等蓋義均封於商生季釐等九子皆葬於商故古有九商之名邑屬商國地故卜葬于此奉遊此憑弔云惆悵天潢舊塚迷荒唐故老惹情悽英皇追跡重瞳後也痛孫嗣寄漢西

蠻王塚去城東南一百二十里據俗傳趙宋初年負險不

臣者被楊媵娘克之媵娘更設有地牢囚蠻王蹟尙存

豐鄉故城水經注豐鄉川水出弘農鄉東山西南流經豐

鄉故城

棟以地勢揆之弘農鄉當在卷嶺之北故城似今縣治弘農鄉各今亦湮矣豐鄉川縣川也

農陽名勝志符犍以荊州刺史鎮農陽以水出弘農鄉也

又曰由漢迄晉皆曰農陽

棟按此則縣水宜名農水而諸書皆曰豐陽並無名農陽者意

農豐字或傳訛似也

荊州秦符融遣符菁掠上洛于豐陽縣立荊州今山陽之

豐陽關

陽亭縣名勝志縣境有陽亭聚故名平陽水出焉水自上

洛陽亭縣北青泥山經陽亭聚西南入豐水又曰其山曰

安武其水曰關祔色河

棟按陽亭聚當在今縣之西北其平陽青泥名皆不傳今城西三十

里有色河舖關祔則無徵安武山在縣西北屬商州奎按色河舖應作水合舖東西二水至此合流向南也

丹水縣漢紀王陵起兵丹水以應漢今城東之竹林關丹

水縣西南有密陽鄉謂之商密

曼川縣今縣南一百二十里之漫川關隋併入湖廣之上

津

南陽縣隋開業初併入豐陽地

安業縣唐析豐陽地為安業縣後改乾祐今鎮安野猪坪

三戶城在丹水縣北有三戶亭古謂楚雖三戶亡秦者必

此

蒼野聚左傳昭四年楚左師軍于蒼野杜預註在商縣南

商志曰在州南一百四十里

棟按地勢當在今縣境之南鄙

繒關楚致方城之外于繒關商志曰在州南二百里

棟按當在

漫川左右 右十一條俱按陝西通志及商志較訂

山陽舊有八景今廣諮不全東木李氏補足之且各繫以

詩近郊者四遠郊者四

九塚星羅舜子義均封於商生九子卒葬城東北山之麓

高原上參差若星宿之布列朝嵐暮靄氣象萬千東木詩

云虞嗣蕃嘉^當孕^皇昆九塚連參差歲月古錯落斗星躔侵
曉籠蒼霧^當傍昏幕紫煙多應孫省祖帶得楚雲旋

二泉天鑑九子塚原下平疇中二泉涌出秋冬不涸晝之
雲影夜之星辰可以鑑徹直天之二鏡東木詩云雙泉平
地涌終古此澄潭晝覩金烏澡夜看玉兔涵羿弓難射落
吳桂那扳擣天鏡磨無事空明百代宣

道院曲流域西南有元締宮俗呼南庵昔人引流入宮作
出水環繞階城可泛觴可被禊可濯纓可種蓮蔣竹引流
賞玩今人不忍去東木詩云伊誰引谷水曲折遶堦流

邑泛杯處蘭亭宴集陬小圖河水勢畧寫巴溪鈞安得同
心容朝朝醉臥遊

豐鄉圖畫縣川曰豐鄉川一水中瀉兩岸農民傍山以居
或山足或半山或山頂原頭一家兩家茅舍柴扉星散碁
置隱隱見洞中犬吠樹上鷄鳴牛背笛聲意真一幅天然
畫圖東木詩云豐鄉景最好一幅天然圖雲碓舂新月風
帘晃舊爐小橋澌水急矧屋幾家孤造化丹青巧何須重
顧吳以上近郊

孤山疊翠城東五十里南山也群山一色土石有草無木

而茲山青峯瘦削嶙峋孤騫或似將軍挺身昂首或似羅漢瘠骨稜稜或似仙子凌空直上其中松檜女貞橫者豎者偃蓋鬢鬆者龍幹蚪枝攫烟擎霧蒼翠欲流東木詩云茲山峯直上翠色一何濃流黛參天栢噴濤攫霧松怪崑蹲虎豹古木舞虬龍石髓如堪挹買山欲寄蹤

長

天柱摩霄環豐背山也而天柱俯視之若兒孫然吁嗟乎蓬壺仙子冠碧炯披紫霧帶虹蜺手擘絳霄口吸銀河直若天爲山所擎者非天柱乎東木詩云高風何兀兀雲冒益崔巍霞映金莖峭雪妝玉柱栽三辰拂左右九曜任昭

回遶莫不周倒煉石豈徒哉

石硤綫天城西南百餘里山槐南有曰七里硤東西兩山
壁立相向如揖不交合者僅尺餘仰望青天如一線非亭
午不見日春夏藤蘿交接綠陰翳天行者如入永巷其中
一溪南瀉水聲如雷沿流而度盛暑涼氣襲人東木詩云
七里硤中路數尋石壁峽兩岫拱揖向一線練光照溽暑
呼裘服隆冬渡冰橋午餘日色漏韓犬吠聲
金花交會城西八十里金井花水二河皆在西北來岡陵
相間分流各道至乾溝交會因名合河噴濤沫灑瀨紫索

廻昔云靜影沉壁浮光躍金殆庶幾焉東木詩云岡陵南
北阻兩水分東西迂道尋來曲合流漾去齊一彎縣寶鏡
數畝泛玻璃不測澄泓處果否有龍栖以上遠郊

總論形勝

蓮嶺後圍翠屏前障一水逆流萬山環拱東之靈官一
礪人不能並肩馬不能疾馳一夫扼要萬人自廢西之
金井一河浩若天塹截流登岸卽仰陟沙狐嶺綿亘若
長城高入雲端一軍據其巔疇敢窺伺南有鶻嶺之阻
石磴崎嶇北有高礪之險石門狹隘此山邑之形勝四

塞可恃者也然而屢罹蛇豕之吞噬信在德不在險

城池

縣衙

公廨

街道

社學

養濟院

預備倉

演武場

周禮維王建國定方正位體國經野設官分職以爲民
極朱子曰此姬公運用天理爛熟之書故郡縣城池之
制實與畿甸相表裏雖曰衆心成城而金城湯池以藩
王室顧不重哉若夫衙舍公廨街道社學與養濟院及
諸倉場皆縣治中所經營者或處官司或處商民或卹
鰥寡或備軍旅雖城郭建置附屬改移不一而數者之
經營無異留心民社者安可畧耶

縣城明成化十四年戊戌建周二里高一丈五尺城敵臺

十五座內土外甃東西南三門東額體仁西額尚義南額崇禮門上各有樓三間邑令趙信楊隆於成化戊戌經始創修萬曆三年邑令賈天祐以文風不振由山澤之氣不通乃於廟前南創開一門曰毓秀門扁曰山川鍾秀今人呼爲雲路門上亦有樓歷年久遠甃多剝落內士亦潰今者閉塞已久或謂應開仍風氣之說也余未云然

縣署在正街東西之中坐北面南自成化中楊公創建以後數經修葺明末流寇破壞清初龕加塗墍康熙中邑

令阮振益大爲增修十五年滇寇陷城盤踞一載且幸僞

將軍駐居得免焚燬計大門四楹儀門四楹左右書吏房
披厦各五間大堂六楹中三間爲廳事東間爲糧房西間
爲庫房又西閒房三間二堂四楹左右廂楹數亦如之三
堂間數同後堂住宅亦同東廂二間西廂五間三堂東副
室四間前有門樓院中蒔花木槐栢梅杏先後培植森蔚
奎於癸酉詣任廣植松栢圍繞衙舍因額匾曰植松主人
大堂則額曰傭牧堂 獄狴在門之西臨街
主簿宅在大門內東卽今土地祠及後空地也官裁署廢
典史宅在大門內西折而北前有中門一間左右角門二

小間大堂三間住宅三間東廚房西書房并各房皆阮公
創修康熙二十八年李再白到任又於後院蓋房三間
公廨在典史署前吏胥等居之今廢

察院在正街城隍廟東壁今廢

布政司行署在東正街關帝廟之西壁今廢

按察司在西正街儒學之西壁今廢

醫學及陰陽學久廢無踪 僧會司舊在永安寺

道會司舊在城隍廟今四屬並無任之者

東門至西門爲正街延半里有餘城隍廟正南曰鍾樓巷

巷南爲十字街南據南門由十字東西街橫與正街等曰
前街亦曰南後街由毓秀門入直抵文廟爲雲路街北東
截亦有街曰東後街

社學舊址無據胡公延邑庠生南鍾秀於名宦祠教民間
子弟十年內入庠者六人奎近於文昌閣講堂內延廩生
蔡光祚詰訓

養濟院在南街東頭街之南今廢孤貧散入民房
預備倉在關帝廟後今廢

演武場卽教場在城西東南至官路西至社稷壇北至河

坐東向西有十五六畝其武廳久廢康熙十六年商營守
備梁駐防止留前一區四五畝餘皆令卒伍墾種竟成稻
田撤防後地仍荒胡公至以教官捕衙均寒苦令兩衙與
堂官分墾之今捐爲義田

縣治沿革

封建變爲郡縣而郡縣之設或分或合或郡改爲縣或
某縣改入某郡非古人意也勢也陽邑初自爲縣繼而
淪入商州旣而原公傑仍改自爲縣皆因時制宜非故
欲更制也若夫山陽豐陽之殊其名則因豐之屬山屬
水皆不可知而山水之名隨地隨代互相異同故仍名
山陽以渾其蹟耳且歷代以來此山陽豐陽之屢更者
亦今名古名參差互出之故而未必更名纍纍之盡如
左也學士考證今古其沿革之故務宜折衷矣

虞封契於商夏商周因之皆稱商國地

秦封公孫鞅於商而商於六百里皆商君食邑

漢高祖初定仍為商地其後始立山陽縣或以地在商山

之陽故名後改豐陽或以豐水在縣之陽豐水即縣河

三國時屬魏名仍豐陽

晉仍名豐陽十六國春秋秦符健都長安使符菁畧上洛

於豐陽縣立荊州

今山陽之豐陽關

健以荊州刺史鎮豐陽而符

堅移洛州居豐皆是也

按上洛即洛州皆今商州

東晉名仍之太元九年秦洛州刺史張五虎據豐陽來降

後周名仍之屬於上洛郡旋改上洛為商州

按曹學佺各勝志豐陽縣

名始于後周非也

隋仍名之屬於上洛郡

唐仍名之屬於商州天寶中復改州為上洛郡乾元初又

改商州皆領豐陽

宋初復名山陽真宗時王抃曾為山陽今詳見官師本人

下後復名豐陽高宗與金和議割唐鄆秦商之半界金以鵲嶺僧道關為界南為宋北屬金金仍名豐陽至貞元二年省豐陽為上洛縣鎮

元仍名豐陽屬商州雍大記云縣之圓覺寺有古碑云元大德元年丁酉歲僧華藏掘地得之碑已斷裂惟存大唐貞觀三年六字其後增書大元國奉元路商州豐陽縣等字

明太祖定天下以戶口凋耗降商州為商縣降豐陽縣為

巡檢司仍屬商至景泰中巨盜王彪繼劉千筋嘯聚山中

秦蜀楚豫之流民皆入其黨南至金州即興安州北至商縣東

至鄭州西至鎮安周圍千餘里盤踞數十年屢遣兵征勦

賊扼險設伏我兵頻失利成化十一年朝會議舉才德舉

重名臣往撫之公舉晉陽原公傑公承命卑騎深入宣朝
廷威德曉譬禍福衆咸受撫時十二年丙申歲也彪寇旣
平公環視形勢䟽請陞湖廣鄖州爲鄖陽府設巡撫一員
統轄秦楚豫三省之接壤州縣商縣仍復商州金商鄖各
設道一員復其縣仍曰山陽移巡司于漫川之豐陽關并
復三府州之多縣以安插之各占種土田爲世業編里甲
冊報部給帖爲民奉旨進公僉都御史鎮撫之後陞兵部
侍郎一道百姓籲制臺題留乃以兵部侍郎兼都御史又
鎮撫三年陞南京兵部尙書百姓又留公曰吾題請一人

無異我遂指名題請宜賓吳公道宋來代公遂去時成化
丁酉歲也今鄖商興安各州縣皆有祠

皇清仍曰山陽屬商州

總結原委山陽舊屬商地漢始立山陽縣後改名豐陽晉
仍豐陽宋初復名山陽後仍曰豐陽元仍名豐陽明太祖
將此地并於商名商縣至成化年復爲山陽縣凡六更

一卷終

